

Uprava KJKP "Park" d.o.o. Sarajevo

Broj P-04-2847-1
Dana, 25.05.2026. godine

Na osnovu člana 551 Prečišćenog teksta Statuta KJKP „Park“ d.o.o. Sarajevo, broj: P-2802-3/21 od 31.08.2021. godine, člana 53. Zakona o radu („Službene novine F BiH“ br. 26/16, 89/18 i 44/22, 39/24), člana 19. Kolektivnog ugovora o pravima i obavezama poslodavaca i zaposlenika u oblasti komunalne privrede za teritorij Kantona Sarajevo („Službene novine KS“, broj 19/26) , člana 54. i 192. Pravilnika o radu, broj P-02-5248-10-1 od 26.11.2025. godine, i člana 4. Poslovnika o radu Uprave, broj P- 3299.04-1-1 od 15.07.2025. godine i na 13. vanrednoj sjednici održanoj dana 25.05.2026. godine, Uprava KJKP „Park“ d.o.o. Sarajevo jednoglasno donosi slijedeći

R J E Š E N J E

Član 1.

Radnicima KJKP „Park“ d.o.o. Sarajevo iz priloga ovog Rješenja odobrava se odsustvo sa rada uz naknadu plaće – plaćeno odsustvo u svrhu upražnjavanja vjerskih potreba povodom Kurban Bajrama u trajanju od jedan (1) radni dan.

Član 2.

(1) Radnici će koristiti odsustvo na dan **27.05.2026.** godine – srijeda.

(2) Izuzetno iz stava (1) ovog člana radnici Odjela RZC Pionirska dolina i ZOO vrt će odsustvo koristiti na dan 27.05.2026. godine ili 28.05.2026. godine shodno rasporedu radnika koji utvrđuje neposredni rukovodioc Odjela, posebno vodeći računa o potrebi hranjenja životinja.

Član 3.

Za vrijeme odsustva sa rada radnicima pripada naknada plate obračunata prema visini plate.

Član 4.

Rješenje stupa na snagu danom donošenja.

O b r a z l o ž e n j e

Radi pravovremenog planiranja procesa rada i ostvarivanja prava radnika na plaćeno odsustvo povodom Kurban-bajrama, naloženo je svim organizacionim jedinicama da dostave podatke o radnicima koji namjeravaju koristiti navedeno pravo. Na osnovu dostavljenih podataka sačinjen je pregled radnika koji će koristiti plaćeno odsustvo dana 27.05.2026. godine, odnosno dana 28.05.2026. godine za dio radnika Odjela RZC Pionirska dolina i ZOO vrt, koji pregled čini sastavni dio ovog Rješenja.

Kako je odredbama člana 53. Zakona o radu predviđeno da radnik ima pravo na odsustvo sa rada uz naknadu plaće do sedam radnih dana – plaćeno odsustvo u skladu sa Kolektivnim ugovorom, Pravilnikom o radu i ugovorom o radu i kako je odredbama člana 19. Kolektivnog ugovora o pravima i obavezama poslodavaca i zaposlenika u oblasti komunalne privrede za teritorij Kantona Sarajevo i članom 54. Pravilnika o radu predviđeno da radnik ima pravo na odsustvo sa rada uz naknadu plaće do 2 radna dana u toku kalendarske godine za upražnjavanje vjerskih, kulturnih, tradicijskih i ličnih potreba, to je nakon dostave informacija, rješeno kao u dispozitivu.

Pravna pouka: Radnik koji smatra da mu je poslodavac povrijedio neko pravo iz radnog odnosa može u roku od 30 dana od dana dostavljanja odluke kojom je povrijedeno njegovo pravo, odnosno od dana saznanja za povredu prava zahtijevati od poslodavca ostvarivanje tog prava.

PREDSIJEDNIK UPRAVE
DIREKTOR



Pripremila: [Signature]

Dostavljeno:

1. Uprava,
2. SOP,
3. RFS,
4. Imenovanim- organizacionim jedinicama,
5. Sekretar
6. a/a.